


KHAMIS • 17.11.2016

TIMUR



SEBAGIAN peserta larian Fun Run menghilangkan dahaga dengan minum air tajaan 100 Plus di Universiti Malaysia Pahang (UMP), Kuantan, Pahang, semalam. — UTUSAN/AHMAD ZAKKI JILAN

100 Plus promosi gaya hidup sihat

PEKAN 16 Nov. - Penajaan minuman isotonik, 100 Plus dalam acara Fun Run di Universiti Malaysia Pahang (UMP) Kampus Pekan di sini baru-baru ini bertujuan mempromosikan gaya hidup aktif dan sihat.

Wakil Pemasaran Acara Khas 100 Plus negeri, Muhammad Farid Azam Aziz berkata, 100 Plus merupakan satu jenama yang sentiasa memberikan sokongan dalam penganjuran aktiviti melibatkan sukan dan mendorong rakyat negara ini mengamalkan gaya hidup sihat.

"Bagi acara larian ini, tajaan dibuat dalam bentuk minuman isotonik 100 Plus sebanyak 2,000 cawan. Kita membuka gerai di lokasi pertandingan di Pusat Aktiviti Pelajar, UMP Kampus Pekan bermula pukul 8 pagi sehingga acara berakhir," katanya kepada *Utusan Malaysia* di sini baru-baru ini.

Kira-kira 500 peserta dari se-

luruh negara menyertai acara Fun Run sejauh lima dan tujuh kilometer (km) anjuran UMP dengan kerjasama Utusan Melayu (M) Berhad (Utusan) itu.

Acara larian tersebut merupakan antara pendekatan untuk mempromosikan Ekspokonvo 2016 sempena Majlis Konvokesyen Ke-11 UMP bermula 19 November ini sekali gus memperkenalkan UMP Pekan sebagai kampus induk baharu bagi universiti itu.

Muhammad Farid Azam berkata, penganjuran Fun Run dilihat usaha terbaik UMP dan Utusan dalam mempromosikan gaya hidup sihat dalam kalangan masyarakat dan mahasiswa.

"Diharapkan kerjasama dengan Utusan dapat diteruskan pada masa akan datang. Selain menyokong gaya hidup sihat, ia juga dapat mempromosikan produk 100 Plus itu sendiri," katanya.